

Ako smo prokockali prošlogodišnji ramazan, i nismo znali da li ćemo doživjeti sljedeći, pa smo ga evo doživjeli, nemoj da to ponovimo i ove godine! Pa zar nam treba veći podstrek za pokajanje od činjenice da Uzvišeni Allah voli pokajnike, da se raduje njihovom povratu, da je obećao da će im grijeha oprostiti i da će njihova loša djela u dobra pretvoriti?!

### **Peti savjet: pozivaj u Allahovu vjeru**

Iskoristi vrijeme ramazana da ljude koji dolaze samo u ramazanu u džamiju, i tada jedino prakticiraju Islam, podstakneš na iskreno pokajanje, da im pojasniš da nije dovoljno biti musliman samo u ramazanu. Jer kao što ni bašti na kojoj bi bio snijeg jedanaest mjeseci ne bi koristilo da snijeg okopni samo jedan mjesec, isto tako ne koristi mnogo da čovjek samo jedan mjesec godišnje provede u pokornosti Allahu, već se od nas traži da budemo pokorni tokom cijele godine. Ne smijemo nikada zaboraviti da je to naša obaveza, a da nas za to čekaju velike nagrade!

### **Šesti savjet: post je Božiji recept za tebe**

Pokušaj da shvatiš koristi i mudrosti propisivanja ovog velikog ibadeta, kako bi ti to povećalo želju za pokornošću. Neke od mudrosti posta jesu: jačanje naše veze sa Svevišnjim Allahom, naše bogobožnosti, našeg osjećaja za Allahovim neprestanim nadzorom nad nama...

Pokušajmo te osjećaje iz ramazana prenijeti u svakodnevni život. Jer kao što je Uzvišeni Allah Živ i Vječan u ramazanu, isto tako je Živ i Vječan izvan ramazana. Na osnovu čega praviti razliku?

### **Sedmi savjet: emitiraj Poslanikov odnos prema ramazanu**

Potruđi se maksimalno da pročitaš ili na bilo koji drugi način saznaš kako je izgledao život Allahovog Poslanika u ramazanu, kada i kako je sehurio, kada i kako donosio nijjet za post, kada i kako je iftario, kako i koliko je ibadetio u ramazanu i izvan njega – kako bi ga slijedio u tome i kako bi iz ramazana izašao kao na dan kada te mati rodila – čist od grijeha!

## **1. Ramazanski post u Kur'anu i Sunnetu**

*"U mjesecu ramazanu počelo je objavljivanje Kur'ana, koji je putokaz ljudima i jasan dokaz pravog puta i razlikovanje dobra od zla. Ko od vas u tom mjesecu bude kod kuće, neka ga u postu provede, a ko se razboli ili se na putu zadesi, neka isti broj dana naposti. Allah želi da vam olakša, a ne da poteškoće imate – da određeni broj dana ispunite i da Allaha veličate zato što vam je ukazao na pravi put, i da zahvalni budete."*  
(El-Bekara, 185.)

Prenosi Selman, r.a.: Allahov Poslanik, s.a.v.s., nam se obratio na kraju mjeseca š'abana, rekavši:  
*"Ljudi, dolazi vam veliki mubarek mjesec. U njemu je noć vrijednija od hiljadu mjeseci. Allah, dž.š., je u tom mjesecu strogo naredio post, a noćni namaz (teraviju) je učinio dobrovoljnim. Ko se Allahu, dž.š., u njemu približi kakvim dobročinstvom, kao da je obavio farz u nekom drugom mjesecu. Ko obavi farz u njemu, kao da je obavio sedamdeset farzova u nekom drugom mjesecu. On je mjesec strpljivosti, a nagrada za nju je Džennet. To je mjesec pomaganja i mjesec u kojem se povećava nafaka vjernika. Ko u njemu priredi iftar i nahrani postača, biće mu to uzrokom za oprost grijeha i oslobađanje od vatre, a dobit će i nagradu postača bez da se ovome nagrada imalo umanji."*  
Tada ashabi rekoše: "Allahov Poslaniče! Nismo svi u mogućnosti nahraniti postača!?" Muhammed, s.a.v.s., reče: "Ta nagrada pripada i onome kod koga se postač iftari hurmom, gutljajem vode ili gutljajem mlijeka."

## 2. Sedam zlatnih savjeta za ramazan

### **Prvi savjet: zahvala**

Na samom početku, prije bilo čega drugoga, ne bismo trebali zaboraviti da zahvalimo Uzvišenom Allahu na tome što nas je poživio do ove velike sezone dobra, što nam je omogućio da u zdravlju i veselju doživimo ovaj blagoslovljeni mjesec ramazan. Zahvalnost Allahu je svojstvo Njegovih poslanika. Uzvišeni Allah, kada govori o Ibrahimu, a.s., kaže: *"Ibrahim je bio primjer čestitosti, pokoran Allahu, pravi vjernik, nije druge smatrao Allahu ravnim i bio je zahvalan na blagodatima Njegovim; On je njega izabrao i na Pravi put izveo."*

*(En-Nahl, 120. – 121.)*

I ne samo to, Uzvišeni Allah naređuje Muhammedu, a.s., da bude zahvalan, pa kaže: *"A tebi, i onima prije tebe objavljeno je: ako budeš druge Allahu ravnim smatrao, tvoja djela će sigurno propasti, a ti ćeš izgubljen biti. Nego, Allahu se jedino klanjaj i budi zahvalan!"*

*(Ez-Zumer, 65. – 66.)*

Zaista se tako i ponašao Allahov Poslanik. Toliko je ibadetio da su mu noge oticale od dugog stajanja u namazu, pa kada je upitan o tome, kazao je: *"A zar da ne budem zahvalni Allahov rob?!"*

Uostalom, zahvalnost je naredba Uzvišenog Allaha svim vjernicima: *"O vjernici, jedite ukusna jela koja smo vam podarili i budite Allahu zahvalni, ta vi se samo Njemu klanjate!"*

*(El-Bekara, 172.)*

Koliko je ljudi koji su zajedno sa nama postili prethodni ramazan, a ovog ramazana nisu sa nama?! Koliko je onih koji su prošle godine mogli da poste, dok ove godine zdravstvene prilike im to ne dozvoljavaju?! Koliko je onih koji ne znaju ni koji je dan, a kamoli da znaju kada je nastupio mjesec ramazan, kada je sehur, a kada iftar, zato što su zatvoreni – nerijetko bespravno – u samicama u kojima ne znaju ni koji je dan, ni kada svane ni kada se smrkne?! Koliko je onih koji, povrh velike želje da poste, ne mogu postiti, jer jednostavno ne

posjeduju ono čime bi sehurili niti ono čime bi iftarili, odnosno njihov cijeli život je post?!

Pa zar ne bismo trebali biti zahvalni Allahu na svim blagodatima koje uživamo: uputi na Prvom putu, miru, slobodi, zdravlju, sigurnosti, posjedovanju uvjeta za post...?

### **Drugi savjet: svijest o vrijednosti ramazana**

Sjetimo se riječi Allahovog Poslanika, a.s.: *"Ko ispostii ramazan, vjerujući i nadajući se Allahovoj nagradi, bit će mu oprošteni prethodni grijesi!"*

Ili onih u kojima Poslanik, a.s., kaže: *"Ko provede mjesec ramazan u kijamu (ibadetu), vjerujući i nadajući se Allahovoj nagradi, bit će mu oprošteni prethodni grijesi!"*

Ili, pak, onih u kojima naš Poslanik, a.s., kaže: *"Ko provede Noć odluke (lejletu-l-kadr) u ibadetu, vjerujući i nadajući se Allahovoj nagradi, bit će mu oprošteni prethodni grijesi!"*

Svi znamo za hadis: *"Kada nastupi ramazan, otvore se vrata Dženneta, zatvore se vrata Džehennema, a šejtani se povežu u lance."*

Allahu ekber, vrata Dženneta samo što se nisu otvorila, a vrata Džehennema zatvorila, ima li onih koji žele da kupe kartu dok nije prošlo sezonsko sniženje? Ramazanski popust!

### **Treći savjet: čvrsta odluka za post ramazana**

...tako da ako bi ti se nešto desilo u toku ramazana, ti ćeš kod Allaha imati nagradu kao da si ispostio cijeli mjesec. Kaže Allahov Poslanik, a.s.: *"Ko bude iskreno tražio od Allaha smrt na Njegovom putu, Allah će mu dati stepene šehida pa makar umro na postelji."*

*"Ko bude prakticirao klanjati namaz noću, pa ga prespava, to mu je Allahova sadaka, a njemu se upiše nagrada za namaz."*

### **Četvrti savjet: ne isčekuj Bajram sa nemarnošću**

Čuvaj se dugačke nade i odgađanja činjenja dobrih djela! Trebamo od samog početka ramazana provoditi vrijeme u ibadetima, kako ne bi došao Bajram a mi još u nekom gafletu i nemaru, nesvjesni gdje i u kojem vremenu živimo.